

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՎԻ ՁԵՎՈՎ ՏՐԱՄԱԴՐՎՈՂ
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ
ՄԱՍԻՆ ՆՍՊԵՇ 93-2023_ ՊԱՅՄԱՆԱԳԻՐ**

ք. Երևան

«27» 06 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար՝ Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Երևանի շախմատի ֆեդերացիա» հասարակական կազմակերպությունը (այսուհետ՝ կազմակերպություն), ի դեմս գործադիր տնօրեն Նորայր Քալանթարյանի, որը գործում է ֆեդերացիայի կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2022 թվականի դեկտեմբերի 29-ի N 2111-Ն որոշումը (այսուհետ՝ որոշում), Հայաստանի Հանրապետության կառավարության 2004 թվականի մայիսի 13-ի N 692-Ն որոշումը, Հայաստանի Հանրապետության սպորտի և երիտասարդության հարցերի նախարարի 2016 թվականի դեկտեմբերի 21-ի N 240-Ա/1 հրամանը (այսուհետ՝ հրաման)՝ Հայաստանի Հանրապետության կառավարության 2023 թվականի հունիսի 8-ի N931-Ն որոշումը (այսուհետ՝ որոշում) «1041. Մեծ նվաճումների սպորտ» ծրագրի «11035. Երևանում կայանալիք շախմատային միջազգային վարկանիշային մրցաշարերի անցկացում» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով ֆեդերացիային հատկացնել որոշմամբ նախատեսված՝ մինչև 20472,0 հազար (քսան միլիոն չորս հարյուր յոթանասուներկու հազար) դրամ գումար՝ ծրագրով կամ սույն պայմանագրով սահմանված չափաքանակներով՝ հիմք ընդունելով միջոցառման ֆինանսավորման համար ֆեդերացիայի ներկայացրած նախահաշիվը, իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ ֆեդերացիայի կողմից իրականացվելիք միջոցառումը ներկայացված է սույն պայմանագրի N1 հավելվածում:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

պետական այլ մարմինների միջոցով) ուսումնասիրելու կամ ստուգելու ֆեդերացիայի կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. Ֆեդերացիայից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. որոշմամբ, հրամանով և սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

2.1.4.1. առանց հիմնավոր պատճառի ֆեդերացիան ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

2.1.4.2. ֆեդերացիան երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

2.1.5. հետևելու միջոցառումների կազմակերպման, անցկացման կամ մասնակցության ընթացքին,

2.1.6. պարբերաբար վերլուծել ֆեդերացիայի կողմից իրականացվող աշխատանքները, մշակել առաջարկություններ գործունեության հետագա ծրագրերի բարելավման վերաբերյալ, տալ ցուցումներ բացահայտված թերությունների վերացման ուղղությամբ,

2.1.7. հետ պահանջելու միջոցառման իրականացման համար հատկացված ֆինանսական միջոցների և փաստացի կատարված ծախսերից առաջացած տնտեսումը,

2.1.8. սույն պայմանագրի 2.4-րդ կետի և հրամանի պահանջները չկատարելու կամ ոչ պատշաճ կատարելու դեպքում ֆեդերացիայից հետ պահանջել հատկացված ֆինանսական միջոցները կամ դադարեցնել ֆինանսավորումը՝ մինչև թերությունների վերացումը,

2.1.9. հատկացնել միջոցառման ծախսերի նախահաշիվը գերազանցող, փաստացի կատարված, փաստաթղթերով հիմնավորված (այդ թվում ոչ ֆինանսական ցուցանիշների փոփոխության արդյունքում առաջացած) ծախսը պետական մարմնի պատասխանատու ստորաբաժանման կողմից տրված դրական մասնագիտական եզրակացության հիման վրա,

2.1.10. ամփոփելու և գնահատելու ֆեդերացիայի կողմից ներկայացված տարեկան մարզական գործունեության ծրագրի կատարման արդյունավետությունը,

2.1.11. իրականացնելու Հայաստանի Հանրապետության օրենսդրությամբ նախատեսված այլ իրավունքներ:

2.2. Ֆեդերացիան իրավունք ունի՝

2.2.1. պետական մարմնի կողմից գումարները չվճարվելու դեպքում միակողմանի լուծել սույն պայմանագիրը,

2.2.2. պետական մարմնից պահանջելու վերացնել բոլոր այն թերություններն ու բացթողումները, որոնք խոչընդոտում են ֆեդերացիային լիարժեք իրականացնելու իր գործունեությունը սույն պայմանագրի շրջանակներում,

2.2.3 իրականացնել Հայաստանի Հանրապետության օրենսդրությամբ նախատեսված այլ իրավունքներ:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ կամ ծրագրով նախատեսված դեպքերում իր և Ֆեդերացիայի կանոնադրություններով սահմանված իրավասությունների շրջանակներում աջակցել Ֆեդերացիային, այդ թվում՝ Ֆեդերացիային ցուցաբերել մեթոդական և կազմակերպական օգնություն,

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական մարմինների հետ,

2.3.3. իրականացնել ծրագրով նախատեսված այլ աշխատանքներ,

2.3.4. միջոցառումների կազմակերպման, անցկացման կամ մասնակցության նպատակով պետական աջակցության միջոցների շրջանակում, պետական մարմնի կողմից մշակված միջոցառման ծախսերի նախահաշվի սահմաններում, ֆեդերացիային ապահովել համապատասխան ֆինանսական միջոցներով,

2.3.5. ֆեդերացիայի ներկայացրած հայտում և պաշտոնական հրավերում արտարժույթով նախատեսված գումարը հատկացնել ֆինանսավորման հայտը կազմելու օրվա դրությամբ ՀՀ կենտրոնական բանկի սահմանած տվյալ արտարժույթի փոխարժեքին համապատասխան:

2.4. Ֆեդերացիան պարտավոր է՝

2.4.1. պայմանագրով նախատեսված ֆինանսական միջոցներն օգտագործել ծրագրով կամ սույն պայմանագրով սահմանված նպատակներով ու չափաքանակներով,

2.4.2. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար,

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.4. իրականացնել ծրագրի շրջանակում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.5. սույն պայմանագրով սահմանված կարգով յուրաքանչյուր միջոցառման ավարտից հետո տասնհինգ աշխատանքային օրվա ընթացքում պետական մարմին

ներկայացնել միջոցառումների իրականացման մասին բովանդակային և ֆինանսական հաշվետվություններ, իսկ ծրագրի ավարտից հետո՝ ամփոփ տարեկան հաշվետվություն համաձայն հավելված N 3-ի,

2.4.6. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից հինգ աշխատանքային օրվա ընթացքում,

2.4.7. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում Ֆեդերացիան պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.8. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել **«Գնումների մասին» Հայաստանի Հանրապետության օրենքով սահմանված կարգով՝** պետության կարիքների համար կատարվող գնումների կանոններին համապատասխան,

2.4.9. հատկացված միջոցներն օգտագործել սույն պայմանագրի 1.2-րդ կետում նշված N 1 հավելվածով նախատեսված միջոցառումների իրականացման համար՝ ղեկավարվելով Հայաստանի Հանրապետության օրենսդրությամբ,

2.4.10. սույն պայմանագրի 1.2-րդ կետում նշված N 1 հավելվածով նախատեսված ծրագրի իրականացման համար ապահովել Հայաստանի Հանրապետության հավաքական թիմերի, ուսումնամարզական հավաքների մասնակիցների և պատվիրակությունների կազմի ձևավորումը կամ ընտրությունը՝ համաձայն հրամանի,

2.4.11. միջոցառման ֆինանսավորում ստանալու հայտը ներկայացնել պետական մարմին՝ (հրամանով հաստատված կարգի համաձայն) մինչև միջոցառման անցկացմանը նախորդող ամսվա 15-ը, իսկ միջոցառումների ժամանակացույցի փոփոխության դեպքում՝ այն նախապես համաձայնեցնել պետական մարմնի հետ և այդ միջոցառման հայտը պետական մարմին ներկայացնել մինչև միջոցառման անցկացմանը նախորդող ամսվա 25-ը,

2.4.12. ավարտված միջոցառման փաստացի կատարված ծախսերի հաշվետվությունը (հրամանով հաստատված կարգի համաձայն և ժամկետներում) ներկայացնել պետական մարմին, նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են Ֆեդերացիայում և վերջինս պատասխանատվություն է կրում դրանց իսկության համար,

2.4.13. սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Պետական մարմնին վճարել տույժ՝ սույն պայմանագրի 5.3-րդ և 5.4-րդ կետերով սահմանված կարգով և չափով:

2.4.14. յուրաքանչյուր միջոցառման իրականացման համար հատկացված ֆինանսական միջոցների և փաստացի կատարված ծախսերից առաջացած տնտեսումը վերադարձնել հետ՝ պետական մարմնի պահանջով,

2.4.15. չծախսված գումարի վերջնական, տարեվերջյան մնացորդը (տնտեսումները, խնայողությունները) վերադարձնել Հայաստանի Հանրապետության պետական բյուջե ոչ ուշ, քան 2023 թվականի դեկտեմբերի 22-ը, իսկ ժամանակացույցով պայմանավորված ավելի ուշ ավարտվող միջոցառումների իրականացման արդյունքում առաջացած տնտեսումը վերադարձնել Հայաստանի Հանրապետության պետական բյուջե՝ կողմերի ստանձնած պարտավորությունների ամբողջ ծավալով կատարումից հետո:

3. ՄՈՆԻԹՈՐԻՆԳԸ

3.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. ՎՃԱՐՄԱՆ ԿԱՐԳԸ և ԺԱՄԿԵՏՆԵՐԸ

4.1. Սույն պայմանագրի 1.1-ին կետով նախատեսված գումարը պետական մարմինը փոխանցում է Ֆեդերացիային՝ համաձայն սույն պայմանագրի անբաժանելի մասը կազմող Հավելված N2-ի՝ վճարման ժամանակացույցի:

4.2. Պետական մարմինը վճարումն իրականացնում է անկանխիկ՝ դրամական միջոցները կազմակերպության հաշվարկային հաշվին փոխանցելու միջոցով:

4.3. Սույն պայմանագրի 1.1-ին կետում նշված գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1. Ֆեդերացիան պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2. Պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները Ֆեդերացիայի կողմից չպահպանելու դեպքում վերջինս պետական մարմնին

վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը Ֆեդերացիային չի ազատում իր պարտավորությունները կատարելու և խախտումները վերացնելու պարտականությունից:

5.3. Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

5.4. Պայմանագրի 5.2-րդ և 5.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

5.5. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6. Տույժերի կամ տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև պարտավորությունների ամբողջ ծավալով կատարումը:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը

շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

8. ԵԶՐԱՓՈՒԹՅՈՒՆՆԵՐ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎՎԿԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն
Հասցե՝ ք. Երևան, Կառավարական 2-րդ շենք
ՀՀ ՖՆ գործառնական վարչություն
Հ/Հ 900011040616
ՀՎՀՀ՝ 02698732

Գլխավոր քարտուղար՝

Կ.Տ.



Հ. Հակոբյան

ՖԵԴԵՐԱՑԻԱ

«Երևանի շախմատի ֆեդերացիա»
հասարակական կազմակերպություն
ք. Երևան, Սաֆարյան 80
Բանկ՝ «Այ Դի» ՓԲԸ
Հ/Հ՝ 11817067344600
ՀՎՀՀ՝ 01551712
Էլ. փոստ՝ info@yerevanchessfed.com
Գործադիր տնօրեն՝

Կ. Տ.



Ե. Քալանթարյան

Հավելված N1
2023 թ. 28.06-ին
կնքված N ՍՊՖԵՇ-2023 պայմանագրի

Մ Ի Ջ Ո Ց Ա Ռ ՈՒ Մ Ն Ե Ր

Իրականացվելիք միջոցառման անվանումը	Համառոտ բովանդակությունը	Կատարման ենթակա գործառնությունների նկարագիրը	Ավելավոր արդյունքները և դրանց գնահատման չափանիշները	Վերջնաժամկետը	Պահանջվող գումարը (հազար դրամ)
<p>1. «1041. Մեծ նվաճումների սպորտ» ծրագրի «11035. 2023 թ. Երևանում կայանալիք շախմատային միջազգային վարկանիշային մրցաշարերի անցկացում» միջոցառում:</p>	<p>2023 թ. 1.«Երևան օֆեն 2023» միջազգային մրցաշար 2.«Ապագա տաղանդներ 2023» (Արսեն Եղիազարյանի անվան «Պատանի շախմատիստների միջազգային մրցաշարի կազմակերպում և անցկացում» հուշամրցաշար) պատանիների շախմատիստների միջազգային մրցաշար</p>	<p>Հայաստանի Հանրապետության կառավարության 2023 թվականի հունիսի 8-ի N 931-Ն որոշմամբ «Երևանի շախմատի ֆեդերացիա» ՀԿ-ին հատկացվելիք 20472,0 հազար դրամ ուղղվելու է 2023 թ. Երևանում կայանալիք շախմատային միջազգային վարկանիշային մրցաշարերի անցկացման ապահովման նպատակով:</p>	<p>Արդյունքները Շախմատային միջազգային վարկանիշային մրցաշարերի աջակցության ծրագրի իրականացման արդյունքում կստեղծի լայն հնարավորություններ երիտասարդ և խոստումնալից հայ շախմատիստների փորձի ձեռքբերման ու մասնագիտական աճի համար: Զուգահեռաբար նպատակարարվում է ապահովել Հայաստանի և մասնավորապես Երևանի շախմատային բրենդի շարունակականությունը: Միջոցառումների քանակ, հատ-2, Մասնակիցների թիվ, մարդ-304</p>	<p>2023 թ. Դեկտեմբերի 30-ը</p>	<p>20472,0</p>
Ընդամենը					<p>20472,0</p>

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն
 Հասցե՝ ք. Երևան, Կառավարական 2-րդ շենք
 ՀՀ ՖՆ գործառնական վարչություն



ՀՀ 900011040616
 :ԿՀՀ 02698732
 Գլխավոր քարտուղար՝
 Կ. Տ. Հ. Հակոբյան

ԿԱԶՄԱԿԵՐՊՈՒԹՅՈՒՆ

«Երևանի շախմատի ֆեդերացիա» ՀԿ
 ք. Երևան, Սաֆարյան 80
 Բանկ՝ «Այ Դի» ՓԲԸ
 ՀՀ 11817067344600
 ՀԿՀ 01551712



Էլ. փոստ՝ info@yerevanchessfed.com
 Գործադիր տնօրեն՝
 Կ. Տ. Քալանթարյան

ՀԱՎԵԼՎԱԾ N 2
2023 թ. N ՍՊԵՇ 93
պայմանագրի

ՖԻՆԱՆՍԱԿԱՆ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆ ՓԱՄԱՆԱՎԱԳՈՒՅՑ

Կազմավերության անվանումը՝ «Երևանի շախմատի ֆեդերացիա» ՀԿ		«11035. Երևանում կայանալիք շախմատային միջազգային վարկանշային մրցաշարերի անցկացում»															
1041	Ձեռք բերվող սպորտի, աշխատանքի, ծառայության անվանումը	11035	Բյուջեային ծախսերի տնտ. դասակարգման հոդվածը	Նախատեսվում է ֆինանսավորել Հայաստանի Հանրապետության 2023 թվականի պետական բյուջեից, այդ թվում ըստ ամիսների /աճողական/											ԸՆԴԱՍԵՆԸ		
				I կիսամյակ			9 ամիս			տարի					ԸՆԴԱՍԵՆԸ		
				հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	20472.0	20472.0
1		2		3	4	5	6	7	8	9	10	11	12	13	14	15	
	«Երևանի շախմատի ֆեդերացիա» ՀԿ-ի միջոցառումներ	4639		0	0	0	0	0	5472	20472.0	20472.0	20472.0	20472.0	20472.0	20472.0	20472.0	20472.0
	Ընդամենը			0	0	0	0.0	0.0	5472.0	20472.0	20472.0	20472.0	20472.0	20472.0	20472.0	20472.0	20472.0

Պետական մարմին՝

ՀՀ կրթության, գիտության, մշակույթի և սպորտի նախարարություն
Երևան, Կառավարական տուն N 2, Վազգեն Սարգսյան 3

ՀՀ ՖՆ գործառնական վարչություն
Հ/Հ 900011040616, ՀՎՀՀ 02698732



Հ. Հակոբյան

Կատարող՝

«Երևանի շախմատի ֆեդերացիա» ՀԿ
Երևան, Սաֆարյան 80

Բանկ՝ «Այ Դի» ՓԲԸ

ՀՀ ՖՆ գործառնական վարչություն
ՀՀ 11817067344600 ՀՎՀՀ 01551712

Էլ. փոստ՝ info@yerevanchessfed.com
Գործադիր տնօրեն՝ *[Signature]*



Ն. Քալանթարյան

Կնքված ՆԱՊԵՇ -2023 պայմանագրի

ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՏԱԹԵՂԵՐԻ ՄՓՈՓԱԹԵՐԹ

Կատարող կազմակերպությունը _____

Օրագրի անվանումը « _____ »

N	Նախահաշվի հորվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+ _դրամով)	Հորվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը՝				

« _____ » 2023 թ.

Կատարող կազմակերպության ղեկավարը

_____/ (անուն - ազգանուն) (ստորագրություն)

ՓԱՏԱԹԵՂԵՐՆ ԸՆԴՈՒՆԵՑ՝

Կատարող կազմակերպության գլխավոր հաշվապահ

_____/ (անուն - ազգանուն) (ստորագրություն)

ՀՀ ԿԳՄՄ նախարարության պատասխանատու

_____/ (անուն - ազգանուն)

(անուն - ազգանուն)

(ստորագրություն)